



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Juramenti Judicum in causis Beatificationis Sanctorum Form XI.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

dictas Causas, nisi cum DD. Episcopo, Consultoribus, aliisque Officialibus ejusdem S. Officii sub pœna perjurii, & excommunicationis latæ sententiæ, à qua non possim absolvi præterquam in articulo mortis, nisi Sac. Congr. Cardinalium Sanctissimæ Inquisitionis Urbis; sic me Deus adjuvet, & hæc Sancta Dei Evangelia.

ADNOTATIONES.

1 DE hoc juramento præstando à Consultoribus, aliisque Officialibus, qui Causas S. Officii pertractant, in actu quo admittuntur, & deputantur, agunt Massin. *in praxi S. Officii part. 9.* & Carea. *in tract. de Offic. Sanctiss. Inquisit. part. 1. tit. 8. §. Decimo n. 65.*

2. Et est etiam generale, quod Officialis in ingressu officii jurare debeant, quamvis sint solum assessores, vel Judices, ut pluribus auctoritatibus probat Ricc. *col. lect. 1002.* servata tamen dispositione Text. *in cap. 1. de jurejur. in 6.* scilicet quod Judices, & Officialis jurent licita, & possibilia & libertati Ecclesiasticæ non obviantia, Bulla Gregor. XIII. inter Apostol. 13.

Juramenti Judicum ante inchoationem Processuum super Beatificatione Sanctorum.

F O R M U L A X I.

S U M M A R I U M.

- 1 Juramentum præstandum in fabricatione Processuum Servorum Dei, præscribitur in Decretis Urbani VIII. & Innoc. XI.
- 2 Hoc juramentum præstat non solum à Judice, sed etiam à Subpromotore, & Notario.

EGO infra scriptus tactis Sacrosanctis Evangelii coram me positis juro, & promitto fideliter adimplere munus mihi commissum, circa fabricationem Processuum in Causa Beatificationis, & Canonizationis Servi Dei N. juxta formam Decretorum Sac. Congr. Rituum, & præcipue novissimorum, quæ confirmata fuerunt à s. me. Innoc. XI. Necnon juro, & promitto religiosè servare secretum, tam de contentis in interrogatoriis, quam de Testium depositionibus super iisdem, & super articulis, nec de iis loqui cum aliqua persona, exceptis aliis Judicibus, & Subpromotore, ac Notario pro eodem Processu deputatis, sub pœna perjurii, & excommunicationis latæ sententiæ, à qua non nisi à summo Pontifice (excluso etiam majori Pœnitentiario) præterquam in mortis articulo absolvi possim: & ita promitto, & juro; sic me Deus adjuvet, & hæc Sancta Dei Evangelia.

ADNOTATIONES.

1. Q Uia sæpè contingit à Sac. Congr. Rituum committi Episcopo, aliisque personis in Dignitate constitutis fabricationem Processuum, & receptionem Testium super Vita, Sanctitate, Cultu, & Miraculis alicujus Servi, seu Servæ Dei, ponitur hic forma juramenti ab eisdem casu quod ad id fuerint delegati, præstandi, & ab eadem Sac. Congr. præscripti, ut habetur in Decretis Urbani

VIII. *super Beatificat. & Canonizat. Sanct.* & *in Decret. noviss. Innoc. XI. pag. 9.*

2. Hoc juramentum erit præstandum non solum à Judicibus delegatis, sed etiam à Subpromotore, & Notario. In construendo autem processu, servanda erit forma litterarum remisorialium, de quibus erit videndus Matta *in suo tra. de Canoniz. Sanctor. p. 5. cap. 2. 3. 4. & 5.* ubi, quæ ad praxim pertinent, docet, & instantias conscribit, ac ipsas litteras remisoriales per extensum refert, & adnotationibus vestit.

Jura-